
Соғлиқни сақлаш вазирлигининг ахбороти

Соғлиқни сақлаш вазири А. Шадмановнинг оммавий ахборот воситаларида чиқиши давомида Тошкент вилоятида яшовчи коронавирус инфекциясига чалинган шахс касалликнинг белгилари бўлишига қарамай (йўтал, тана ҳароратининг кўтарилиши ва ҳансираш), жамоат жойларига борганлиги ва 52 нафар шахсни зарарлагани ҳолати бўйича шуни маълум қилади:

Бугунги кунда фуқароларимиз томонидан коронавирус инфекцияси билан боғлиқ тушунтириш ишлари ва унинг тарқалишини олдини олишга қаратилган қатор чоралар кўрилишига қарамай, ўзларининг ҳамда атрофдагиларнинг соғлиғига масъулиятсизлик билан ёндашиш ҳолатлари кузатилмоқда. Натижада бир нафар касалланган шахс бир неча шахсларни зарарлаши ҳолатлари кузатилмоқда.

Шуни айтиб ўтиш жоизки, Тошкент вилоятида касалланганлар сони 2020 йилнинг 6 апрель соат 12:00 ҳолатига 29 нафарни ташкил этган. Худудлар бўйича касалланганлик ҳолатлари эса шу муддатда қуйидагича бўлган:

1 Қорақалпоғистон Республикаси 11 нафар2 Андижон вилояти 71 нафар3 Бухоро вилояти 8 нафар4 Жиззах вилояти 2 нафар5 Қашқадарё вилояти 17 нафар6 Навоий вилояти 5 нафар7 Наманган вилояти 42 нафар8 Самарқанд вилояти 21 нафар9 Сурхондарё вилояти 5 нафар10 Сирдарё вилояти 4 нафар11 Тошкент вилояти 29 нафар12 Фарғона вилояти 24 нафар13 Хоразм вилояти 4 нафар14 Тошкент шаҳри 147 нафар

Ушбу жадвалда худудлар кесимида касалланиш ҳолатлари фуқароларнинг доимий яшаш манзилларига нисбатан олинган.

Соғлиқни сақлаш вазирлиги бугунги кунда халқимиз саломатлиги ва эпидемиологик осойишталикни таъминлаш мақсадида вазир бошчилигида туну кун хизмат қилмоқда.

Бундан ташқари, А. Шадманов томонидан бир шахс 52 нафар шахсга касалликни юқтиргани оғзаки англашилмовчилик бўлиб, касалликка чалинган шахс масъулиятсизлиги сабаб 52 нафар шахс билан яқин мулоқотга киришганлиги келтирилган.

Таъкидлаш жоизки, Соғлиқни сақлаш вазирлиги коронавирус касаллигини тарқалишини олдини олиш мақсадида барча чораларни кўрмоқда, шунингдек, эпидемиологик осойишталикни таъминлаш мақсадида фуқароларимиздан кўрилаётган карантин чоралари ҳамда чекловларга амал қилинишини яна бир бор сўраб қолади.

Соғлиқни сақлаш вазирлиги Жамоатчилик билан алоқалар бўлими.

2020-04-07 06:05:07